

豐縣志卷四

職官類下

宦蹟

凡歷任年月可稽者悉載題名下茲不贅

宦蹟有紀存德澤公是非而示勸戒者也賢者彰則不肖者幽矣由漢迄今無慮數千載所書僅若而人在古或有逸焉其邇者勿敢誣也不列於人物類而次於官制題名後者蹟從官著也

漢

任敖守豐二載遷上黨守後拜御史大夫封廣阿侯謚曰懿

牟融字子優北海安邱人少博學以司徒茂才為豐令視

豐縣志

卷四

職官類下

一

宦蹟

事三年縣無獄訟為諸郡最司徒范遷上其理狀永平中為司隸遷司空太尉叅錄尚書事明帝每歎曰宰相才也祀名宦

唐

李守素趙州人為倉曹叅軍通姓氏譜牒之學世號肉譜虞世南與論江右山東人物歎曰肉譜真可畏也太宗初為令訟簡民安鳴琴終日後遷宏文館學士

宋

關景仁字彥長會稽進士令豐政尚清簡與民休息改作鳧鷖亭賦詩記之仁愛之意藹然見乎其詞祀名宦馬建中單縣人令豐民安其政有和鳧鷖亭詩祀名宦

韓侯淄川人令豐博雅好古士民欽之祀名宦

金師旦字從周滕縣人在宋中式入金再捷知縣事有惠政以朝列大夫終

元

顏毅棠邑人守已愛民克終如一占籍於豐遂家焉

郭瑄字廷玉深沉有爲凡有興作不奪農時民咸德之祀名宦

劉士字尚志保守人廉慎稱職邑人感服祀名宦

張榮至正間令豐興學勸農爲諸邑最

伯岳斛鄆城人其先蒙古部徙家鄆城至元庚寅除豐縣

達魯花赤爲人剛正嚴明忠誠廉幹門無私謁吏絕侵

豐縣志

卷四

職官類下

二

宦蹟

漁去之曰體無餘衣室無餘財進義副尉

明

曾本江西零都人性廉潔政尚寬平吏民懷之祀名宦

曹仲篋江西鉛山人持身廉潔民甚服之祀名宦

闕膺字允登江西春新人明達諳練政教兼舉學校公署悉加繕緝九年致仕遂家焉

鄺頤字維貞廣東南海進士令豐廉潔仁愛陞南寧府同知既去而民思之

陳善字一克江西弋陽進士令豐自奉如寒士視民如子剛明果斷豪猾斂迹陞嚴州府通判累遷南京刑部郎

中祀名宦

張泮浙江鄞縣舉人令豐學問該博時因大水壞民廬舍躬視城外高阜給民遷居旬日不倦衆皆德之

裴爵山西澤州舉人令豐歷任六載公廉勤慎開積荒通商旅築堤以殺河勢均賦以恤民災持法稱平士庶稱之祀名宦

高祿山東博興人由國子生爲豐令會黃水陷城居民失所祿率衆徙于華山斬茨以居時出入鄉村問民疾苦專務簡約民賴以全遷平陽通判祀名宦

張叔宣四川內江舉人繼高祿之任潔已愛民明習吏治居官最儉有懸魚風後遷松江府通判祀名宦

李崇信湖廣潛江舉人抵任值邑遷華山未久百爾草創

豐縣志

卷四

職官類下

三

宦蹟

殫心經畫曠墜畢舉士民賴之後立祠學宮有祭田二十八畝在馬維堦祀名宦

葉炷麗水人風雅文藻翩翩仙吏時縣城改築華山每多題咏輒刻石壁迄今苔蘚間猶露遺蹟善繪事好事家多藏之

徐萸浙江長山舉人任未久復還舊治凡城池文廟官署倉獄悉所草創民欣然有子來之歌

戴輔廣西灌陽舉人令豐建四城樓增築護城堤在任九載陞巨津知州

胡乂心浙江仁和舉人遷建儒學增築城堤修建高皇廟城隍廟允協輿情皆自爲記陞河間府通判

任惟賢黃陂舉人少績學明易禮二經有大幹略初下車
卽恤鰥寡崇節孝抑奸貪雪幽滯緩征薄斂與民休息
坐堂不設門隸任其自投告行之三月一邑帖然時督
河使者潘某起夫萬餘修華山河口公堅執不從移文
三責而神色自若闔邑願捐貲助修公諭之曰浚萬民
之膏血而委之必不可成之工吾何惜此一官乎後落
職牒至方與諸生講書閱而置之仍理前書講畢乃徐
曰此吾罷官文書也去之日士民數千送至河濱哭聲
震野移時方散至今人猶思之

尹梓直隸南宮舉人增築城池創修豐志有足多者

吳文光江西高安舉人裁冗役修縷堤開荒田貧民有逋

豐縣志

卷四

職官類下

四

宦蹟

賦者請以其地變值遂捐俸爲學田作新土類修葺學
宮聲績甚著

莊誠成都舉人錢糧先給清單詞訟能剖疑網開含洞城
無積潦建社倉野有藉資改遷駕庫以尊君創起文臺
以作士皆時政之所未及者陞趙州知州

費思箴荆門州舉人城垣易土爲磚實自公始其費計畝
而輸無偏擾民不足復市官田以佐之閱六月告成以
其餘材起大觀樓于北城上

孫延掖縣舉人恂悞無華實心實政秋糧舊有常例公悉
裁革縣治後起常平倉三所置穀豆五百石積貯備賑
陞任刑郎後邑值歲荒公移文散濟一如在任時

李先春延慶州歲貢有幹局時權法行有璫踞徐州橫甚左右緣爲奸屬內咸苦之而豐獨宴然公之剛毅有足多焉

戴一松儀封孝廉先任五河縣以繁調值河決朱旺口百里爲沼民多蕩析遂一意拊循如遞馬夫役務從節減歲省二千餘金錢糧赤歷不載地數櫃書任意增減公查正見丁見地錢糧以均後陞慶陽府同知致仕

熊應祥四川內江舉人政清刑減禱雨輒應誠心愛民有去思碑

孔道源錢塘貢生醇朴廉介人不敢干以私重修邑志凡廟學城堞公署因時增新而毫不病民有去思碑

豐縣志

卷四

職官類下

五

宦蹟

常思溫河南永城人明練敏決人不能欺午溝有水賊爲害公盡殲之尤加意學宮儒學前故有積水夙稱外泮公規爲月形環抱鬢牆水南即城東南隅起奎樓于水中築土爲徑屬于城達于奎樓稍橫斷其中爲橋樹坊其上題曰魚龍變化儒學前招商旅爲市曰文明集明倫堂後建尊經閣三楹今雖盡廢人猶傳述之

王三益河南永城孝廉講學說書不屑屑於簿書而縣事自理在任著有談書大旨多昔人所未發舊賓館近圯圖公移置南偏演武廳居東門公移置城西又於武廳兩掖翼以平陽侯參條侯亞夫兩祠一公鄉人精兵法者皆公創建尋陞任去

宋士中號然石崇尚德化不爲苛急而應變銷萌迅若發
機邑學自宏農常公修復已成佳觀公故精形家言于
學東偏道南起三元閣凡三層費千金皆公自區處樓
成奉文昌像其上學宮西偏地稍濶公勅書院大門三
楹二門三楹講堂三楹諸士課其中月凡一校公親甲
乙之所獎拔多知名者壬戌天啓二年山東妖賊破鄒
滕陷夏鎮邑人震恐公深浚城隍督鄉勇晝夜守禦賊
至三戰皆勝凡數月始安民甚賴之

劉調羹禹州進士清淨寡欲愛民如子值河決徐邳夫役
桀梢當事者取給于縣動輒踰額公力砥而身請之多
所裁免民用不擾後以績最遷侍御東門外有遺愛祠

豐縣志

卷四

職官類下

六

宦蹟

碑

王體蒙字如如河南虞城舉人恢恢遊办案無留獄一夕
有寇警公偃旗卧鼓誘其至擊之遂遁去

方遴偕號丹陵浙江慈谿人由乙榜令豐時大盜起秦中
蹂躪梁宋四門起重門建樓櫓甚有資于保障云

劉光字劍池貴州舉人精嚴勤幹下車時土寇甫平間有
負嵎闌出者公督鄉勇勦平之壬午之變流寇攻城公
力禦之城潰殉節邑生員皇甫世明依公不去併死之
譙拱極四川孝廉後漢周之裔也朴貌醇行圭角不露而
內實剛明奸胥某一縣巨蠹數訪漏網公廉知其狀立
斃杖下通邑稱快未幾丁內艱去

國朝

李允貞號德菴德州人由乙榜令豐時經制未定徵求孔
亟公應之暇豫而有條理民得不擾碭山令缺頑民煽
亂奉檄兼攝碭事時首惡已就擒鎮將欲窮治餘黨允
貞廉其無辜具文陳請願以身家保之事得寢因撫綏
招徠流亡者多復業明年代者至百姓攀轅泣送祀名
宦

閻詔字崑浦太原進士慈祥樂易周諮邑中利病輒與興
除如遞馬官養錢糧官解禁革兌糧解頭收糧大戶諸
厲規民久便之時山東逋寇多因緣侵掠公增修土城
捐俸版築不勞民力民德之爲建生祠且輸祀田若干

豐縣志

卷四

職官類下

七

宦蹟

畝公固謝之不可遂捐祠爲義學以其田瞻養生徒一
時絃誦翕然無不多公之德甲午分校南闈所取士如
徐元文梅清何訥諸名士時稱得人云

胡應醕字羲上號兩瞻浙江臨安人以明經蒞豐虛懷納
言喜從民便先是豐之闈夫最累游夫最輕苦樂懸殊
而貼地相若人皆投輕辭重訟端蠹起諸生王行健等
議裁游夫之地以益闈夫公欣然從之役均訟息士民
安焉

何廣字還珠號魯瞻汶上進士性果毅凡邑中利弊決於
輿除民食其惠吏畏其威且定期課士面爲講論儼若
嚴師禮遇諸生推恩及其父子笞辱弗加至今猶感其

厚

王之俊字秀甫河間舉人沉默恬淡喜怒不形雖雅度雍雍而人不敢以私干公事之餘惟與諸生杯酒論文而已後以他事去豐人惜之

佟吉年字惠公三韓舉人興學校賑貧士編審里甲豁除逃亡一時稱善政焉邑舊有里老之役重爲民累公毅然除之士民戴德爲建祠於中陽門內

孫毓璘字文伯襄平人性嚴肅寡言笑弭盜除奸人畏之如神明而撫民愛士實多惠政開義館以育人才設底簿以清賦法建奎樓修鳳塔築縷堤設義塚雅意振興多方存恤陞任後士民爲之建祠立碑

豐縣志

卷四

職官類下

八

宦蹟

符罔字克菴翼城貢生修學宮設義館課農桑嚴保甲時解逃兵役擾民公申詳飭禁積穀軍餉例取贖緩自公始捐解又永革麥糧老人士民稱便後累遷至臨洮道嘗一過豐豐人歡迎者載道焉

李振字麟趾山東臨邑人由序班洊豐十四年才幹敏捷長於政治絕苞苴肅衙署革樂輸除由單徵收有方不煩敲朴而賦稅輻輳農民樂業常報最云

劉琪徵字貢玉江西臨江進士和易慈祥恤民禮士於縣堂題額曰天理王法儀門置對曰有一日間須勤務爾業無十分屈莫輕入此門公之勤懇撫字情見乎詞矣洊豐數月丁艱歸未獲大展厥施人咸惜之

盧世德字紹先三韓人時夏鎮聞夫需索無藝重爲民累公請除之勒石定例民因以甦先是邑有鋤背地之名雖水澇疊告輒蒙批駁公力辨其誣災傷始得上聞一體蠲賑值年荒穀貴錢法壅滯公開倉出糶平減價值寬用民錢賴以全活者甚衆先是原報飢民一萬有奇而豐之北境被灾者尤多望賑是時公在憂中又用戳記續報飢民二萬餘民益德之去之日邑人追送境上至擁馬不得行

王初集字體仁號恕求河南光州乙卯舉人蒞豐才性卓犖甫下車慨然以磨俗厲鈍爲己任未踰年百廢漸興率紳士建義塾廣引來學請邑人王愷心爲之師日課

豐縣志

卷四

職官類下

九

宦蹟

月程寒暑罔間一時人文蔚起又捐俸買田五十畝以給貧者膏火每朔望課士署中必親爲點定孜孜弗倦每歲終念生徒貧乏者周之有寒士于楠方文炳未娶公助使畢婚其鼓舞士氣類如此至於撫循善良力鋤匪類民甚樂之丙戌秋霖雨傷禾再三陳情蒙

恩蠲編銀三分賑倉麥二千餘石民困以甦後卒于任其善政如脩學宮建高廟重輯邑乘至今猶有存者

魏學謐蔚州舉人雍正六年詳准丁隨田納邑人便之卒于官

王錫海鹽孝廉涖任之初值歲歉河臺發銀辦料數十年所未有也錫因士民公籲極力陳請始免復竭力賑濟

一時賴以存活者不可勝計然竟以此掛吏議豐人惜之

魏升叙栢鄉人涖任多美政時河憲發銀辦料公知豐人疾苦據由轉詳得賴以免

曾昌麟江西進士銳意興除時豐人因辦料與碭民構訟昌麟反覆詳請不使滋累邑人尤頌德焉

楊泌山西聞喜縣人政令嚴肅吏民咸畏之時文廟頽壞泌毅然有創修之志集紳士于城隍廟中慨切勸捐一日而登募簿者七千金 文廟之修實基於此

宿生澍四川舉人涖任後有蕭碭廳汎民買料嚴督出差澍以豐人原無辦料之例堅拒之終不應時前令有修

豐縣志

卷四

職官類下

十

宦蹟

學之舉澍踵其事擇吉興工未幾丁內艱去

盧世昌字綱齋貴州普安州進士釋褐泣豐性慈和心地純摯政暇喜延訪文人商論經史每月課士詩文親爲平斛土皆感悅豐舊有志文嫌疏略歲久板亦缺損公集多士重修之博訪耆舊廣搜遺書明體例慎去取而全書遂詣精詳初黃河北瀕去豐境不滿十里後南徙近者二三十里遠者百餘里不等上憲每年派辦稽料柳椿動數百萬雖給價銀不能得半賠墊運送苦累不堪合縣公商情願捐地六十餘頃入官官自招佃種植秫稻柳椿豐縣永免派辦所有捐地錢糧合縣帶差具情呼訴經年始得允准未幾碭山刁民飾造詭詞攀縣同辦上憲遂復發銀到豐合境驚惶不知所爲 公披瀝上陳爲民乞命請至再三致千憲怒 公屹不爲動堅執以去就爭之卒得請民如獲更生及 公去老弱攀卧不能留比戶尸祝焉

王元本字立齋四川瀘州進士寬和坦易爲治不事操切而百務就理道光十二年秋大霖雨太行堤潰裂數十丈公親督民夫塞之未弔月工畢禾黍賴以不沒尤加意文教每月課士詩文親爲指授移時不倦十年五任終始一節豐人至今謳恩

王檢心字子涵河南內鄉舉人剛果明敏奸僞不能欺聽訟不務折辨俟兩造詞畢數語立決咸豐元年河決碭山縣北境豐值下游大水二年上憲奏留漕米分賑災黎公率同委員確查時放赴領者實惠均霑三年春賑畢餘米數千石公念麥熟尚早而流民填集縣城待哺者眾乃人日給米一斤令挑浚城

豐縣志

卷四

職官類下

十一

宦蹟

河卽取其土平治街道迨米盡麥登城廂不見流殍時大吏奉命塞決口決口界兩縣豐碭皆有彈壓責一日巡行坊肆遇大吏輿夫強市人物不給值呵之不聽有違言公怒答之二百言益惡乃鎖而詣大吏值大吏與同列坐工次公直前陳輿夫暴橫大吏不悅飾色強謝曰小人無狀君責之輕宜其不知懲也公應聲磬折曰大人教是也轉面命坐梓之地重笞四百升輿竟去自是人海喧闐聞豐縣彈壓至無敢譁者

張志周字濂溪河南密縣舉人咸豐三年任豐值豐大水民飢盜熾公撫恤緝捕數月合境安堵時粵匪

竄據省垣四年二月中遣眾北犯抵豐南境阻黃河
五六日始得渡而郡兵恇怯不敢邀擊並不敢越賊
來援賊遂於十九日辰刻薄縣城城守千總徐鳳閣
單騎先遁兵民各鳥獸散 公見事不可爲卽具衣
冠懷印自投於水僕蘇福徐錦李貴李晏從殉賊平
大吏具狀上聞得

旨優恤晉贈奉政大夫世襲雲騎尉以子汝梅貴 誥封

榮祿大夫並於豐縣建立專祠地方官春秋致祭

在祠

縣城北門
內迤東

陳斌字濟廷四川南充人咸豐八年九月涖豐時豐城
燬於賊城內居民十不二三日數驚望烽火各鳥獸

豐縣志

卷四

職官類下

十三

宦蹟

散 公攜數僕內幕二僦屋以居未月賊突至騎
數十闖入城 公聞警冠服坐門首僕隸十餘人易
公冠促 公去 公怒揮曰汝等自去無人而有城死
城固吾職也堅不動左右強掖上馬而賊已馳至不
知其官也斫 公傷首墜而仆馬逸賊爭逐馬竟置
公僕眾奔回舁 公入館舍十餘日裹創起集紳耆會
議涕泣論之曰賊騎飄忽如風雨而我以輜車重載
謀幸脫是賈盜糧也盍通力完城城完賊至可守賊
去可耕堅壁清野爲計莫善於此眾感悟爭輸資歲
暮鳩工九年四月門堞樓櫓悉具濠深二丈旗幟炮
械荼火爭輝賊至繞城不敢逼卽日去眾喜躍輸資

益奮 公遂於城外添建炮樓六座四門改置木橋
四關通築土圩重關巨塹城遂固若金湯初皖匪之
陷城也由捕役約爲內應城陷不厭賊慾賊怒捕等
欲屠之捕等逃賊亦旋去捕役糾其黨還踞城中自
知罪不容誅而冀以凶悖箝眾口勢益橫合邑恨次
骨無由發 公夷然處之若無聞知捕役謂百姓不
敢讐我官無如我何也九年秋某月日夜將半四鄉
團練馳圍城黎明步騎相屬繞城列三四里城中老
弱婦豎皆執鈎鋤挺杖尋殺捕役 公坐堂皇拈揮
大眾元惡巨蠹頃刻如拉朽上下歡呼民情大暢齊
聲曰今而後昔眠貼席矣 公芟夷大難不動聲色

豐縣志

卷四

職官類下

十四

宦蹟

發機若神而性情慈祥和易無市德心每賊至督衆
乘城不輿不騎曰夜巡歷城上溫言慰勉或憊而仆
則扶掖以行紳民方勸少休卒不肯由是衆情感悅
官與民不啻家人婦子事無不盡之言言無不盡之
情豐邇賊巢而三年中訟簡盜息賊大隊過卽安堵
皆 公惠也上憲稔 公德略檄調赴省襄贊軍務
衆聞耗如嬰兒失慈母赴郡籲留往返再三不得請
乃立碑於署內戒石亭之左側誌 公遺愛去之日
合邑傾送祖筵連縣亘境上傭販乞丐爭持尊酒盃
蔬跪獻道左 公各爲之引滿未半途大醉不任步
履兩僕掖升輿衆攀擁不釋慰解之得徐徐行移時

望塵不及哭聲振野向夕始罷散行路見者皆爲感泣

王葆昌字純甫安徽懷甯人性豪爽勇於有爲抗論時務慨然有孟博攬轡意遇齷齪者輒唾罵不值一錢同列戲目爲瘋子上官愛其才每優容焉同治五年任豐豐自咸豐初困於水南境沙墊增高自城以北逐漸而下夏秋淋潦盡北境成澤國公憂焉循泡河故道自附郭里許施功曲折五十餘里入山東魚臺縣界並商諸魚之官紳接連挑濬直達昭陽湖而積潦得所宣洩是役也公自出千金爲首倡而令濱河居民計里任工半載工竣名其溝曰利民夾岸

豐縣志

卷四

職官類下

十五

宦蹟

列植垂楊岸上禾黍競秀水盛漲則湖中小舟泝流抵城外往來若織變沮洳爲膏原復增商旅之便民至今賴焉

吳士鑑字印潭浙江錢塘人性寬和喜文翰尤好獎拔士類甫下車卽召合邑生童月一課之捐捧酌給獎金以示鼓勵時值賓興復出百餘金爲諸生舟車資一時士林爭爲激勸折獄務盡下情而紛爭咸理詰盜不暴施箠嘗曰鞭扑之下求死不得則夷魚皆跼蹐矣以故誣引者得白而奸宄亦未嘗漏網

吳元漢字樂園安徽鳳陽人勤慎廉儉不飾邊幅衣食蔬布若寒素嘗以事巡歷鄉野車中假寐及覺曰將

午示食亦未沐也其坦易如此屢檢勘殺人獄事外
不輕逮一人 公在時人享其樂不知其思去後追
論未嘗不見思

署篆縣令

楊統新都人太尉震之孫富波相牧之子建初中爲彭城令嘗至豐祈雨雨大降諸凡不便於民者悉去之有惠政于豐一時鄰縣俱蒙其澤帝嘉其異特召爲郎靈帝建甯元年卒豐人韓純畢佩故門下書佐也爲之立石頌德

吳履礪山縣簿署豐廉潔律已愛愛及民至今思之

鄧祖禹邳州衛經歷署豐數月之間胼胝勞形撫殘拯墊邑人德之

黃瑤字白雲蜀人也由乙榜署豐邑居四月撫字多方時戶部催提麥折公以瘡痍未起奉文停蠲力爲請免至

豐縣志

卷四

職官類下

十七

宦蹟

面折觸怒公曰苟利斯民一官何足惜也

趙世禎字興公三韓人沛令也來視豐政尙簡易時地畝失額差賦淆亂公決意清丈端緒甫引尋解綬去邑人深惋惜焉

郭維新號磨菴宛平人以沛令署豐性聰敏長於吏治發奸摘伏朗如鑒照未幾遷甯波府同知

柳應瀆順天人由淮安府照磨署豐雍容雅飭簿書之暇筆翰自娛署篆三年民享無事之福豐人思之

葉光龍字戴山廣東東莞舉人以沛令署豐舊例徵收秋糧蓆草派取民間公獨捐除嗣是遂爲成例

縣佐

王之才宋宣和中爲豐簿民稱爲王清水

曹簡字士廉沂州人至元間爲豐簿政清訟簡民悅服之
王宗舉元末爲豐尉時值兵亂據守全城民賴以安

李尙志信陽人才猷練達司捕徵糧具見威德民爲立碑
方廷科浮梁人任三載愷悌慈祥天啓二年山東奸寇作
亂豐邑震鄰公佐縣宋士中濬池守城極力防禦大兵
雲集賊衆盡殲邑賴以全

雷世任馳驅王事勘亂一方可云贊政無忝

林瑞春越之山陰人才猷敏達治河勤勩

沈文仲浙江人性耿介明大節甲申流寇陷京師僞官四

豐縣志

卷四

職官類下

十八

宦蹟

布公託目疾解職去時論多之

柴雲縉紹興人任主簿博學能文兼通武略西水浸堤修
築捍患順治六年九月榆賊千騎突攻南門公堅守無
譁半夜擊五鼓以悞之賊近城忽發三砲斃其兇鋒賊
大驚奔豐城獲全漢高廟名宦祠頽廢公重葺之蒞任
七載屢攝縣事人多思之

董國祚順天人順治間署河廳時豐沛初附公至極力安
撫民賴以安去之曰父老泣送者千餘人

杜華然陝西人坦心質行絕去矯飾而政事廉平民咸重
之

鄒宗文山陰人文雅有幹略蒞任甫新輿誦載起

余昌宗號白山成都舉人署豐令循分盡職宣力河防公
餘則飲酒賦詩蕭然自遠後卒於官遂家焉

何中觀字次山浙江紹興人由太學爲豐簿風度恬雅工
詩詞與邑人多所唱和自奉淡泊無異寒糴其雅量清
操眞衙官之僅見者解任後遂寓于豐

劉文均字平英任豐碭主簿在官清慎精翰墨有儒士風
王璘字子麟浙江山陰人爲豐尉盜輯民安克稱厥職且
介然守法一時有矯矯之目

王鎮字子藩浙江人任豐碭主簿康熙四十六年河溢吳
家庄滄民田數百頃上憲親臨閱視議築月堤以禦河
患分工募夫鎮於應支官銀外捐貲增價民夫競進不

豐縣志

卷四

職官類下

十九

宦蹟

閱月工獨先竣上游爭器重之

程川字春曇錢塘人以拔貢爲豐簿舉止落拓絕去一切
尺幅豪于飲嘗自署酒民卽上游亦無不知其酒狂也
與人見無二三語必及于飲飲則徑醉卧忘主客間候
臺司于輿中小酌及進謁有頽然不自知其醉者往往
向臺司乞酒錢臺司多贈之勿靳然負高才喜吟詠援
筆立就且清操自守無所干士民咸樂其醉也故不以
醉見黜後益豪于飲家益落生平所著詩板盡付質庫
以換酒任四載竟以酒終

學博

曹謙太定初任豐講解經書不分寒暑

楊嘉至正間教諭誨人不倦惟守俸鈔後遷開封路府學教授

劉昂廬陵孝廉學問淵博尤長於詩賦

段徽持己以正造士惟勤陳璜陳讓一以長厚稱一以勤學著統祀名宦

毛志尹新建舉人署教諭性至孝每朔望必具衣冠拜母有愛曰庭前當竭力敬天屋漏莫欺心之句時督學索劣行甚迫再三面請豐士愿多自愛無扞罔者乃已中壬辰進士

豐縣志

卷四

職官類下

二十

宦蹟

范景曾昌邑歲貢坦中直氣不爲媵媵樂與諸生談說使人解頤委署邑篆但朝夕一往勾當畢卽迴署無染指亦絕不答辱人旋以忤直指使者挂冠去

李洛高涇人不言而飲人以和與諸生講解經書以文字質者欣然評品且出壺漿酌之論士行則有優無劣咸佩德焉

張以誠青浦孝廉蒞豐持正秉禮風節矯矯士類多所保全

龔爽字君路湖廣景陵人由乙榜任豐英毅有爲臨事屹然山立講書課士別具鑪錘辛未成進士官吏部稽勲龐濬敦朴質直督學芝崗熊公徵士行甚嚴切先生執不

報或以爲先生慮先生終不爲動

孫應旂字雲蛟宣城人溫恭謙抑接士如不及與之語則坐春風中矣子勳中甲戌進士以文名

湯夢貞字光禹寶應人以明經任學訓課士文行剛而能溫間有投牒噬士者悉置弗問諸生歲試久淹淮上困甚公出米餽金士類多貲賴之五子皆能文爲淮海名雋

馬如融號狂髯安慶貢士品行端方文學淵雅日以經史課士甲申流寇陷京師公聞變擗踊痛悼卽日挂冠去王緝敬文雅通書畫與諸生處類儕偶常俸之外一無所受士益重之

豐縣志

卷四

職官類下

二十一

宦蹟

楊璟字璞存巴縣舉人吏隱青毡蕭然物外高年隱德倍加優禮時嚴親阻絕蜀道每西望咽嗚榆寇之變惜其玉碎

陳燹字伯倫江甯人由乙榜諭豐常起弘雅雲起二社集諸生其中鼓舞獎掖人文丕振時學宮僅大殿露立公勸士捐金鼎新重門兩廡以及齋房公廨無不煥然改觀能詩善書士林重之

謝昌運字名世定遠人襟期伉爽無寒穉氣順治初榆寇湖賊交訐震鄰城守戒嚴邑令閻瑄晝夜防禦公輒與俱又督率紳衿分汛協守裨益孔多又善屬文長於詩顧言字子訥號濂宗鎮江丹徒人以明經司訓石碓遷豐

諭天姿純粹潛心理學得濂洛關閩之傳所輯有道學
正宗易編合珠諸書嘗捐俸倡脩學宮每朔望會諸生
於明倫堂講太極西銘敷陳大義尤好獎掖士類一時
文風丕變遇貧士逋賦者爲設法代完不責償後以陞
任歸里爲郡大賔豐人懷之祀名宦詳其事賔于史館
編入統志長子仁舉丁亥進士官監察御史巡按直隸
季子智丙午舉人知沅江行取給事中叔子義郡庠生
天性孝友有二子家於豐惟舟食廩豐庠惟楫丁丑選
拔並有文名豐人至今思其教澤以爲厥後克昌云
江能容字若虛海州人性開拓無城府力庇士類學宮自
陳公肇新具體而克終無憾公之力居多

豐縣志

卷四

職官類下

二十二

宦蹟

孫曰繩字直公宣城人學有淵源腹笥富有工古文辭詩
歌兼善書人有獲其片紙者藏爲珙璧庚午壬午兩中
副車卒以明經鐸豐方嚴有守不隨俗趨丰姿絕世殆
曹月川之流亞歟

嵇宗禹字玉書安東人持已端方言動不苟倡率多士勤
於課藝豐庠積衰爲之丕振

施燮字炳六長洲人姿性風雅工於詩文喜汲引後進孜
孜弗倦沐其教者如坐春風中

江學佐字宸聖徽之歙人性伉爽拓落不羈爲人排難解
紛多所裨益遇寒士出已貲以濟窮乏故人多德之

黃師晟字孟遷六安人先世故名將父西石公習儒入泮

有文名早卒公幼孤事母孝及鐸豐肩輿迎養凡可以致歡心者靡不曲意承之與人交泛愛親仁喜文辭尤能周給貧士康熙三十六年重修學宮師主持之力居多因母夫人春秋高終養告歸

顧賔王嘉定人以明經訓豐坦易近人內無城府性甘淡薄以疾卒於宮豐士惜之

喬守愿寶應人勤于月課親加較閱未幾告終養去

孫超字起凡六合人從征兀魯特噶爾旦有軍功例當以府貳用改就豐學諭喜爲人解紛確然持正不可撓屈未久捐陞解任去

吳昉字五玉號梅里桐城人由副榜鐸豐端嚴誠愨一以

豐縣志

卷四

職官類下

二十三

宦蹟

恬靜爲主尤工文辭士類多所指南云

團昇字冠霞揚州人幼以春柳詞名故人或呼爲團春柳以副貢任碭山學正乾隆甲戌攝篆豐諭學行修治爲人倫宗且風流大雅無冷官態人亦不以冷官目之未幾去邑士惜之

武職

唐俊德字崇高濟甯人任豐縣把總二十餘年兵民多受其惠歷捕蝗蝻不辭勞瘁且愛惜民田甚于己產值歲荒監賑粥廠尤公而忘私致仕後人猶稱道不已